



## Векало ПахІала тассалникахошка яздина шолгІа кехат

Тассалник-гІалахь йолчу тешначийн тобанехь болу нах карзахбохура Ийса маца вогІур ву бохучу хаттаро. Цхьаберш тешара Веза Эла схьаваран де тІедеана даьлла хиларх. *Векало ПахІала тассалникахошка яздинчу шолгІачу кехат* тІехь цу харцтешарна жоп ло. ПахІала туду, Дала леррина Кьобалвинарг юхавале, вониг а, зуламаш а тоьгал кхочуш хир ду аьлла. «Вониг» олучу цхьана стага олалла дечу хенахь хир ду иза. И стаг Дала леррина Кьобалвинчунна дуюьхал хир ву.

Баланаш хьогьуш беллахь а, шайн тешарехь чІагІбина хила беза хІара кехат доьшурш, боху векало ПахІала. ПахІала а, цуьнан накьосташа а санна болх а беш, шайн дахарна оьшург латто деза цара. Иштта цара кхидІа а диканиг дан деза.

### *Дешхьалхе*

**1** <sup>1</sup>ПахІала а, Салис а, Тимапис а хІара кехат яздо Тассалник-гІалара вайн Да волчу Делах а, Веза Эла волчу Ийсах а тешначийн тобане.

<sup>2</sup>Вайн Да волчу Делера а, Веза Эла волчу, Дала леррина кьобалвинчу Ийсагара а долу дика а, синпаргІато а хуьлда шуна.

### *Ийса схьавеача хинйолу кхел*

<sup>3</sup>Динан вежарий! Вай Далла баркалла ала деза, Ийсах тешарехь шу чІагІлуш долу дела. Иза баккьалла а иштта ду, хІунда аьлча шуна массарна а юкьахь хІораннан а вовшашка болу безам кхин а алсамбуьйлуш бу.

<sup>4</sup>Иштта, оха тхашь а Делан динан тобанийн гуламашкахь дозалла до собаре хиларца а, тешарца а аша массо а баланаш а, халонаш а ловш хиларх.

<sup>5</sup>Цу дерригено а гойту Делан кхел нийса хилар. Делан олалла бахьана долуш аша хІинца баланаш ловш болу дела, шу хьакь долуш хетар ду Цуьнан олалле кхача. <sup>6</sup>Дела нийсо еш хиларна, шу сийсздаьхначарга а баланаш хьогьуйтур бу Цо, <sup>7</sup>ткьа баланаш ловш долчу шуна тхочца цхьаьна синтем хир бу. Иза хир ду Веза Эла волу Ийса Шен нуьцкьалчу

маликашца а, йогучу цІарца а стигалшкара гучуволучу хенахь. <sup>8</sup>Оцу хенахь шайна Дела вовза ца лийнчарна а, вайн Веза Эла волчу Ийсах болу хаза кхаь тІе ца эцначарна а дІадовкхур ду Цо. <sup>9</sup>ТаІзар а дина, уьш гуттаренна а хІаллакбина хир бу. Везачу Элах а, Цуьнан возаллин сийлаллех а дІабаьхна хир бу уьш. <sup>10</sup>И таІзар дийр ду Шен долахь болчу нахера сийлалла тІеэца а, массо а Шех тешначарга Шен сий дайта а Ийса схьаванчу оцу сийлахьчу дийнахь. Ткьа шу а царна юкьахь хир ду, оха шуна деллачу тоьшаллех шу тешна дела.

<sup>11</sup>Цундела шуна тІера оха даим доІанаш до, Ша кхайкхинчу дахарна вайн Дала шу хьакь долуш хилийтар доьхуш. Муьлхха а дикачу ойланца шуна дан лууш дерг а, Делах тешарца аша деш долу муьлхха а гІуллакх а Деле Шен ницкьаца кхочушдар доьху оха. <sup>12</sup>Цу тайпана вайн Веза Эла волчу Ийсан цІе шуьгахула а, ткьа шу Цуьнгахула а гІарадевр ду. Вайн Дела а, Веза Эла а волчу, Дала леррина кьобалвинчу Ийсан\* долчу диканца хир ду иза.

### *ХІаллакьхила вогІун волу кьинийн кІант*

**2** <sup>1</sup>Динан вежарий! Оха доьху шуьга вайн Веза Эла волу Дала леррина кьобалвина Ийса кху дуюьнен тІе схьаварах а, вай Цуьнца цхьаьнакхетийтарх а лаяцна: <sup>2</sup>шайн ойла сиха ма карчийталаш, атта синтем ма байлаш, Веза Эла вогІу де тІекхьаьчна бохуш, цхьаммо хаам бар бахьана долуш. Цхьаммо ала мега, и хаам Делан Сино бина, я оха бина, я кехат тІехь дІаязбина бу аьлла. <sup>3</sup>Цхьаьнгге а цхьана а кепара шашь ле ма дайталаш, хІунда аьлча адам, Іеса а даьлла, Далла дуюьхал эргІаддаьлча а, хІаллакьхиларна лерина волу а, зуламех кхачам хиллал вуьзна волу а цхьа стаг гучуваьлчий бен, и де тІедогІур доцу дела. <sup>4</sup>«Дела» аьлла, цІе йоккхучу а, адаманша Ибадат дечу а массо а хІуманна дуюьхалвер ву и стаг, царал ша лакха а воккхуш. Делан цІа чохь, ша дела ву бохуш, охьахуур ву иза. <sup>5</sup>Дага ца догІу шуна, шу долчохь со волуш, аса шайга и дийцар? <sup>6</sup>Ткьа хІинца шуна хаьа, иза сецош дерг хІун ду. И бахьана долуш шен хеннахь бен иза гучувоккхур вац. <sup>7</sup>Кьайлаха долу зулам хІинцале а кьахьогьуш ду. Амма хІинца а иза сецош волчо кхин дІа а сецор ву, новкьара иза Дала дІаваккхалц. <sup>8</sup>ТІаккха гучувер ву зуламех вуьзна волу и стаг. Веза Эла волчу Ийсас Шен багарчу Іаьнарца вуьйр ву иза, Шен схьаваран дозаллица иза хІаллак а виьр ву. <sup>9</sup>Зуламех вуьзна волу и стаг гучуваьлча, иблисо цуьнгахула лелочу ондачу ницкьаца массо а тамашийна харцйолу билгалонаш

\* <sup>1:12</sup>Вайн Дела а, Веза Эла а волчу, Дала леррина кьобалвинчу Ийсан. Я иштта: Вайн Делан а, Веза Эла волчу, Дала леррина кьобалвинчу Ийсан а.

<sup>1:9</sup>ЕшаІ-ЯхІу 2:10. <sup>2:1</sup>1 Тассалникахошка 4:15-17. <sup>2:4</sup>Даниал 11:36; Яхьазкхиал 28:2. <sup>2:8</sup>ЕшаІ-ЯхІу 11:4. <sup>2:9</sup>Маттай 24:24.

<sup>1:1</sup>Векалийн 17:1.

а, Иаламаташ а гойтуш лелар ву иза. <sup>10</sup> Шаьш кІелхьардохур долу билггал долу бакьдерг безамца тІе ца эцарна а, иза ца дезарна а хІаллакхуьлуш берш муьлххачу а харцонца лебеш лелар ву иза. <sup>11</sup> Цундела Дала чІогІа Іе-хаболуьйтур бу уьш, билггал бакьдоцучух тоьшуьйтуш. <sup>12</sup> Таккха билггал бакьдолчух а ца тешна, харцдерг дезначарна Дала кхел йийр ю.

*КІелхьардахарна хаьржина*

<sup>13</sup> Везачу Элана безна вежарий! Шу хьалхарнаш ду Делан Сино шу Делан дола дахарца а, билггал бакьдолчух тешарца а Дала кІелхьардаха хаьржинарш. Цундела шуна тІера Деле даим баркалалаш баха деза оха. <sup>14</sup> Оха кхайкхийна хаза кхаь бахьана долуш шу Дала хаьржина, вайн Веза Эла волчу, Ша леррина кьобалвинчу Иийсан сийлаллин декъашхой шу хилийтархьама. <sup>15</sup> Цундела, динан вежарий, чІагІлой Іелаш. Хьалха а оха шуна бина болу а, тхан кехат тІехь язбина болу а хьехамаш лар а беш, даха.

<sup>16</sup> Ткъа вай дезначу, вайн Веза Эла волчу, Дала леррина кьобалвинчу Иийсас а, вайн Да волчу Дала а Шен маьхзачу диканца хаддаза иракара-хІиттор а, хиндолчу дикане сатийсар а делла вайна. <sup>17</sup> Муьлххачу а аша олуш долчунна тІехь а, муьлхха а аша деш долчу дикачу гІуллакхашна тІехь а, иракара а хІиттош, Дала чІагІдойла шу.

*Тхуна тІера доІанаш делаш*

**3** <sup>1</sup> Динан вежарий! Везачу Элах лаьцна кхаь, шу долчохь ма-хиллара, сиха дІасабаржийта а, лоруш тІеэцийта а тхуна тІера доІанаш делаш. <sup>2</sup> Кхин а дехалаш мекара а, вон а нах вайх дІакъастор, хІунда аьлча берриш а ма бац цу кхоах тешаш.

<sup>3</sup> Амма тешаме ву Веза Эла. Цо чІагІ а дийр ду шу, мекара волчух лар а дийр ду. <sup>4</sup> Оха шайна хьобхург аша кхочушдеш хиларх а, кхин дІа а кхочуш дийриг хиларх а Везачу Элаца хиларна, шух лаьцна долчух шеко йоцуш тешар ду тхан. <sup>5</sup> Делан безам бовза а, Дала леррина кьобалвинчу Иийсан собар довза а шун дегнаш Везачу Эло тІехьажадойла.

*Массо а къахьега декхарийлахь ву*

<sup>6</sup> Динан вежарий! Вайн Веза Эла волчу а, Дала леррина кьобалвинчу а Иийсан цІарах весет до оха, аша тхобгара тІеэцначу Делан хьехамашца а ца лелаш, мало йолуш волчу муьлххачу а динан веших дІакъаста аьлла. <sup>7</sup> Шуна шайна а ма хаьа, шу, тхо ма-леллара, лела дезийла. Оха шу долчохь мало ца йора. <sup>8</sup> Цхьанна а меттехь маьхза бепиг ца дуура оха. Мелхо а, шуна цхьанна а тхайх бала ца бархьама, дийнахь а, буса а, къа а хьобгуш, болх бора оха. <sup>9</sup> Иза-м тхайн бакьо яц аьлла а доцуш, шуна тхайгара дика масал далийта дора оха, шун а иштта лела лаам хилийтархьама. <sup>10</sup> Шу долчохь тхаьш хиллачу хенахь, оха хІара весет динера шуьга: «Къахьега ца луучо хІума а ма яа», — аьлла.

<sup>11</sup> Шу долчуьра цхьаболу нах, къинош а летош, мукъа Іаш бу бохуш, хеза тхуна. ХІумма а ца деш болу уьш нехан гІуллакхашна чу юкьагІерта. <sup>12</sup> Иштгачарна вайн Веза Эла волчу, Дала леррина кьобалвинчу Иийсан цІарах тІедилларца оха хьобху, шайн куьйгашца къа а хьобгуш, шайна догІу рицкъа даккха а, синна паргІат хила а.

<sup>13</sup> Ткъа аша, динан вежарий, дарх кІорда а ца деш, диканиг де. <sup>14</sup> Нагахь санна шух цхьаь оха яздина весеташ кхочушдеш вацахь, иза билгалваккха. Цунна эхь хетийтархьама, цуьнца юкьаметтиг ма хилийта. <sup>15</sup> Иза мостагІа санна ма лара, амма, шайн ваша хиларе терра, иза кхетаве.

*Чаккхе*

<sup>16</sup> Ткъа машар карахь болчу Везачу Эло Ша гуттара а массо а хІуманна тІехь шун дегнашна машар лойла. Хуьлийла Веза Эла шуьца массаьрца а!

<sup>17</sup> Аса, ПахІала, сайн куьйгаца язdechу маршаллица чекхдоккху хІара кехат. Соьгарчу хІора кехатан билгало ю иза. Аса иштта яздо:

<sup>18</sup> Вайн Веза Эла волчу, Дала леррина кьобалвинчу Иийсас дина маьхза долу дика хуьлийла шуьца массаьрца а.